



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

alia exercitia post sacra[m] communione[m]. 64. 65. et 66

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER III.

gere vinculo charitatis tuæ, vt nunq̄ a te separari valeam in æternum, deſq̄ eidem animæ meæ benedictionem diuinæ gratiæ tuæ.

Alia gratiarum actio poſt communionem. Cap. LXIII.

GAudens gaudebo in dño de mirabilibus operibus ac ſtupenda dignatione Dei patris. Ecce enim verbum cordis eius factũ eſt nutrimentum meum, & gloria cœli facta eſt cibus meus. O qd̄ vltra deſiderare poterõ? Quid me poſthac contriſtare, quidve mihi nocere poterit? Iam enim induit me dominus veſtimento ſalutis, & tanq̄ ſponſam corona gloriæ & charitatis virtute, in quibus perenne gaudiũ later, me exornare dignatus eſt. O vnica ſpes atq̄ ſolatiũ meum, in te ſit æterna requies mea, quia tu es perfectum gaudiũ meum. Te ſuper omnia deligat cor meũ, quia tu es deſiderabiliſſimus theſaurus animæ meæ, nec eſt quiſq̄ ſimilis tui. Ideoq̄ te omni momento ſuſcipere deſidero in cor meum, o amantiſſime ſponſe animæ meæ, o ſuauiſſimum nutrimentum meum. Et nunc o domine Deus meus, poſſidere dignare cubiculum mentis meæ: quia cor meum apertum eſt tibi. Te deſiderat interiores vires meæ: teq̄ circumplector in corde meo, excludens inde creaturas vniuerſas, quatenus omnia in me pereant te vno excepto, o omnium charorum chariſſime & ſuauiſſime hospes animæ meæ.

Exercitium deuotiſſimum poſt ſacrã communionem. Cap. LXIII.

Salue, ſalue o dulciſſime domine Deus meus, o glorioſe ſpiritus, anima, corpus &

ſan-

MARGARITAE EVANG.

sanguis domini mei. En ex toto corde meo te rogo & obsecro per virtutem & praesentiam diuinitatis tuae, immuta in te spiritum, animam, carnem & sanguinem meum, per sanctissimam animam, carnem & sanguinem tuum, quae nunc indignus sumere praesumpsi. O sancte Deus, sanctifica me nunc ad honorem & gloriam tuam. O fortis Deus, euince nunc infirmitatem meam. O immortalis aeternae Deus, iam posthac viuere digneris in me. O vita animae meae, permitte diuinitatem tuam in me & per me lucere, tuque ipse in me & per me ambulare, in me & per me loqui, in me & per me secundum acceptissimam voluntatem tuam, quicquid tibi placet, operari digneris, ita ut nihil in me sit, quod tuum non sit. Oculi mei tui sint oculi, ut per eos videre. Aures meae tuae sint aures, ut per eas audire. Lingua mea tua sit lingua, quo per eam loqui: & omnia membra mea tua sint membra, ut cum eis, quicquid tibi placuerit, operari possis. Et per meritum purissimi gloriosique corporis tui te rogo, ut cor meum tuum cor sit, quo videlicet desideria ipsius ad honorem tuum dirigere digneris, utque caput meum tuum sit caput: sanctissimamque ac inuisibilem Trinitatem tuam, quae deitatem tuam in se habet inclusam (per quam eadem diuinitas tua operatur) patrem videlicet, filium & spiritum sanctum (quam nimirum diuinitatem tuam secundum humanitatem tuam in glorioso capite tuo cognoscis, amas & fruere per memoriam, intellectum & voluntatem tuam) in capite meo operari permittas: ita ut memoria mea tua sit memoria, de te per te iugiter cogitando: & intellectus meus tuus sit intellectus, te ipsum per te ipsum

LIBER III.

te ipsum intelligendo: & voluntas mea tua sit voluntas, nihil videlicet per gratiam tuam volendo, quam quod tu vis, vt sic vnus spiritus cum diuinitate, vnumq; corpus cum humanitate tua esse possim. ¶ Atq; istud ipsum sic omnibus tam viuis, quam defunctis prodesse facias, ac si hoc ipsum per seipsum modo perfectissimo exercuissent: & specialiter N, & N, pro quibus specialius orare teneor ac desidero, quos hic tibi represento. Rogo autem istud domine Deus meus, per merita humani gaudio spiritus tui, sanctissimæ dolorosæ animæ tuæ, & sacratissimi vulnerati puriq; corporis tui: & quidē ad delectationē tuam in eodem sacratissimo corpore tuo, quo me per virtutem diuinitatis tuæ redemisti: & ad honorem tuum in sanctissima anima tua, qua me coemisti, quatenus per eam in vita viuā gratiæ tuæ, atq; ad gloriā tuā in humano gaudio spiritus tuo, per quem o benedicte Deus, diuinitati tuę plenissime sum reconciliatus. Idq; ad hoc o dulcis & benedicte domine Deus meus, vt per sanctissima merita tua benedicte diuinitas tua delectetur habitare in corpore meo, sedere in anima mea, & requiescere in spiritu meo: vt sic & in me, & in cunctis hominibus, viuis simul atq; defunctis pacem & gaudium habere possis.

De fructu exercitiij huius. Cap. LXV.

Sane posset quis hac fide, intentione ac desiderio, sic aliquando hoc dignissimum percipere sacramentum, vt eiusdem sacramenti fructum (qui est amor diuinus) cum tali charitatis vnione in sese perciperet, vt deinceps nunquam mortale peccatum admittere posset. Et licet ve-

MARGARITAE EVANG.

eet venialia quandoq; incideret, ipsa tamē haud
 quaē ei adhærere possent, quin ilico diuini amo-
 ris igne absumerentur, per quem omnia in inte-
 rioribus suis est perlustrata, in totali suiipsius ab-
 negatione, per quam semper magis omnipoten-
 ti Deo, q̄ sibiipsi in suiipsius abnegatione inni-
 tur, credendo ipsum intra se existere, eumq; om-
 nia posse, quodq; ex se nihil sit nihilque possit:
 sperando etiā q̄ libenter eum adiuuare velit, su-
 umque in ipsum amorem proijciendo, & hono-
 rē ac voluntatem illius omnibus anteponendo.
 ¶ Et tunc benignissimus Deus pro sua pietate
 in anima operatur, q̄ tunc hic (vt ita dicā) absq;
 modo, absque opere, absque desiderio, absq; vo-
 luntate, absq; amore & absque cognitione effi-
 citur. Et primo quidē absq; modo fit, non quod
 esse creatum amittat, sed in Deum transforma-
 tur, ipsiq; velut ferrum igni vnitur. Sicut em̄ fer-
 rum quamdiu in igne perdurat, ignis est, sic &
 anima cum Deo per gratiam Deus est, donec se-
 se extra hanc vnionem auertat. Secundo absq;
 opere fit. Quia videlicet nihil s̄a operatur, sed in
 Deo suo agitur, ipsumque operari permittit, q̄
 pe quæ satis nouit nihil se absq; illo posse, ideo-
 que nec vlla sibi bona opera ascribit, sed sem-
 per cū Esaiā fatetur, dicēs: Dñe omnia opera no-
 stra operatus es nobis, de quibus fit laus, ho-
 nor & gloria immēsa bonitati tuę. Tertio fit abs-
 que desiderio. Quia quicquid desiderabat, iā ob-
 tinuit. Quarto absq; voluntate efficitur. Quia ni-
 hil iam vult, nisi quod Deus velit, quem nunc
 obtinuisse se gaudet. Quinto fit absque amore.
 Ipsa em̄ iam velut amor ipse, q̄ Deus est, effici-
 tur: adeo tota diuina, & vnus cum Deo fit spiritus.

LIBER III.

tus. Sexto & absq; cognitione efficitur. Quicqd
 enim hic cognouit, iam amplius non cognouit,
 quippe quæ latissimum ac increatū bonū illud,
 quod Deus ipse est, quem creatura nulla capere
 potest, in seipsa sentit ac deprehendit. ¶ Anima
 igitur, quæ summum bonum cognoscere, ama-
 re, fruique desiderat, illa sicut præfatum est, sei-
 psam abneget, credatq; Deum per diuinitatem
 suam intra se existere, eumq; solum seipsum per-
 fecte cognoscere, ideoq; & se solum perfecte a-
 mare ac frui posse. Sicq; anima in Deum trāsfor-
 mabitur, & Deus in ea (vt sic dicam) nihil effi-
 cietur. Quia tantum eū fore cognosceret, vt in crea-
 turis nihil omnino sit, cui vllō modo valeat cō-
 parari: ipsaq; viribus omnibus exuetur, quippe
 quæ iam virtus ipsa effecta est, & ad virtutes
 omnes propensissima. Nunc igitur o nobilis
 anima gratias age semper domino Deo tuo, q;
 ipsum tantum dominum, quem cœli & terra ca-
 pere non possunt, in cordis tui hospitio suscipe-
 re meruisti, Amen.

Oratio deuota post sacram communionē,
 simul insinuans qualiter te custodire or-
 porteat, ne fructum tanti sacramēti im-
 pedias. Cap. LXVI.

Anima Christi sanctifica me. Corpus
 Christi salua me. Sanguis Christi inebria
 me. Aqua lateris Christi laua me. Pas-
 sio Christi conforta me. Mors Christi viuifi-
 ca me. Spiritus Christi accende me. Delic-
 tas Christi transmuta me. O bone Iesu exau-
 di me. In vulneribus tuis absconde me. Ab hoste
 maligno defende me. In hora mortis me voca
 me,

MARGARITAE EVANG.

me, protege me, & pone me iuxta te, vt cum omnibus sanctis & electis tuis in secula seculorum laudem te. ¶ O dulcissime Iesu, qui te exaltatum a terra omnia tibi attracturum dixisti, virtute diuinissimi sacramenti tui trahe me nunc ad te ex omni proprietate voluntatis meae, in vnam voluntatem tuam. Trahe me ad te ex omni amore & adhaesione rerum creatarum, & ex omni cura necessitatum corporalium, in affectum extreme paupertatis. Trahe me ad te ex corporeis imaginibus & formis, in nuditatem spiritus. Trahe me ad te ex omni propria quaestione & recessu in donis spiritualibus, in deipassiuam paupertatem & libertatem spiritus. Trahe me totum ad te ex meipso, & omni priuato amore, in sponsalem vnionem & indiuiduam amicitiam recum. Trahe me ad te in scholam spiritus sancti, replens me omnibus donis eius, mihi pro tua gloria & animarum salute necessarijs. ¶ Obsecro etiam te dulcissime domine Iesu Christe, digneris nunc & vsq; in aeternum mecum permanere in anima mea, quoniam aduersaescit vita mea, & inclinata est iam dies feruentis dilectionis. Quapropter conforta me tua virtute, illumina me tua sapientia, & accende me tua ardentissima charitate, vt ea, quae sequuntur (sine quibus in tua vnione nemo diu persistere potest) diligenter custodire valeam. Principio, da mihi mentem interiore & exteriori hominem perpetua vigilancia custodire & obsequare, vt tibi interiori, & hominibus exteriori simplici obedientia me semper subijciam: peccata omnia parua & magna summo odio persequar & fugiam: tuum beneplacitum absq; dissimulatione adimpleam. Voluntatem propriam, & omnem

LIBER III.

mnam priuatam amorem ad meipsum, & ad
 creaturas, nec non concupiscentias & vitia vni-
 uersa, præsertim inhæsiua, toto corde abnegē &
 mortificem. Imprime mihi tuam crucifixā ima-
 ginem, vt cum te nobilissimo cibo & hospite cō-
 tentus, terrena omnia vt stercore fastidiam, & in
 interiori homine continue inclusus & introuer-
 sus cunctis animæ meæ viribus in te leuatis &
 defixis, tecumq; vnitis, habitem, tibiq; soli va-
 cans & intendens maneam. Cor ab euagatione,
 linguam a verbis inutilibus, & cæteros sensus
 & membra mea ab omnibus inordinatis moti-
 bus, excursibus & excessibus refrenem, & in pu-
 ritate custodiam. In tuis vulneribus nidificem,
 & te crucifixum, patientem & morientem indu-
 am. In sanctis meditationibus, orationibus et lau-
 dibus tuis, charitatisq; siue obedientię operibus,
 totum tempus & vires meas, pure pro tua glo-
 ria & ecclesiæ tuæ salute continue proficiens cō-
 sumam: sicq; tuæ in me operationi nunquam re-
 sistam, sed perfecte locum dem, vt tu pacem &
 gaudium in me habere valeas.

EXERCITIA ET ORATIO- nes pro morituris.

Oratio deuota pro felici morte obtinē-
 da. Cap. LXVII.

OMisericordissime domine Deus meus, e-
 go indigna creatura tua te laudo, tibiq;
 gratias ago, & vt omnes homines cum
 omnibus creaturis te laudent tibiq; gratias a-
 gant, desidero, pro omnibus beneficijs tuis, quæ
 mihi & hominibus vniuersis per sanctissimam
 KK humani-